

謁仙行贈萬書記

嶰管飛葭方孟籥青女仍前夜行惡連日東風生峭寒黃鸝聲
斷梅花落客來武夷訪靈蹤八字洞門無鎖鑰溪頭昨夜添新
雨桃片滿溪紅灼灼蒼苔滿地空綠勻芳草無言煙漠漠搗藥
聲乾丹井寒虹橋一斷收霞幕千古松風學鳳笙向晚清客滿
林壑山光不動舊松竹洞中慘慘悲猿鶴機巖學館空無人紫
嶼丹邱久蕭索霧暗平林虎長嘯碧潭生花老龍躍峭崖飛鳥
不敢過萬丈蒼瓊真峻削山中金蟾不可尋石邊且取黃芝嚼
我生逍遙事落魄泉石煙霞得真樂身披綠麻戴青筠橫檐碧
藜躡芒屨只愛山林厭城郭卻厭膏粱愛藜藿冷眠石上入華
道藏輯要

白真人集二

卷

婁集二一
×××

胥夢見太虛無斧鑿竭來洞中未半餉轉盼又覺經旬朔今朝
雲頭雨收腳欲歸又被溪山縛欲作此地三閭茅朝食紅霞暮
飲瀑已有神仙分定緣定知道外無乾坤只愁天上多官府九
轉丹成未敢吞

題仙槎寄呈王侍制

道人身世已盟鷗便好乘雲御氣休何足風波吾一點盍思舟
楫彼迷流從教水擊三千里別是煙飄十二樓松以碧濤成夜
吼山爲翠浪接空浮初非孔聖乘桴志薄類梁僧渡葦謀廬阜
插篙空木末武夷停棹尙巖頭爭如太乙真人葉往盪須彌絕
頂秋昔者天孫失機石我疑博望乃牽牛卻無滄海桑田事底